

دارت مخصوصه

درسعادتده باب على جوارنده

محل اداره :

مستطابق

اخطار :

مسلكمزه موافق آثار جديده مع المنوييه
قبول اولنور
درج ايندنه بن آثار اعاده اولنور

دينه، فلسفه، علوم، حقوق، ادبياتده و سياسياتده و بالخاصه كرك سياسي و كرك اجتماعي و مدني احوال و مشورده اسلاميه و بحث ايد و هفته ده بر نشر از انور.

آبونه بدلى

سنه لكى التى آيلنى

ممالك عثمانيه	ايچون	۸۰	۴۰	غروش
روسيه	»	۶۰	۳۰	روبله
سائر ممالك اجنبيه	»	۱۷	۹	فرانق

صاحب و مؤسسارى :

ابوالعلا زين العابدين - ح . اشرف اديب

تاريخ تأسيسى

۱۰ تموز ۳۲۴

درسعادتده نسخه سى ۵۰ پاره در

قيراه دن مقوا بورو ايله كوندريليسه سنوى
۲۰ غروش فضاه آلنير

سر سملر بو هز لیاتک عین حقیقت دبیہ قبولی. اخوان مسلمینہ توصیه ده بولبورلر .

مناسرتلی اسماعیل حق

طلوع نور هدی

زمان حاضر دن بیک اوچیوز سکسان برسنه مقدم شهر نیسانک یکر میسنه مصادف شهر ربیع الاولک اون ایکنجی بازار ایرتدی کیجه سی؛ مکة مکرمه ده بنی هاشم نام محله (دارالتبایعه) دینلان خانه ده؛ نور هدی پرتو افزای طلوع اولدی. یعنی سرائر وحدایتک حامل ذی شریفی حضرت (محمد مصطفی) صلی الله علیه وسلم افندمز عرصه شهوده قدم باصدی .

ابراهم حلبی حضرتلری سیر حلبی نام تألیفنده «بوسرای ملائک شعب بنی هاشم نام محله بروقت حجاجک برادری محمد بن یوسف الثقفی به اتما ایله شهرتیب برخانه پر فیض اولدینی رسیده صحتدر صکره خلفای اسلامیه بوجای اقدسی حسن محافظه ایتشلردر» دینلیور . اسماعیل حق حضرتلری ده محمدیه شرحنده «جناب رسالتناه اکرمک مولدی اولان سعادتخانه بعض روایت کوره صفایاننده هارون الرشیدک زوجة محترمه سی جناب زبیدهک بنا ایتدیکی مسجدک یریدر حالا نماز قیلینیر بوراسی حضرت خدیجة الکبری رضی الله عنہا سعادتخانه سی ایدی که حضرت فاطمه رضی الله عنہا بوخانه ده عالم شهودی تشریف ایتشلردی . رسول اکرمک مولدی اولان خانه مسجد حرامدن صکره افضل بقاع الارضدر «وفیه کلام فوقه غیر خفی علی اهل المذاق من اهل الخیر والمعاینه فانهم» دیمشدر .

حضرت خدیجة الکبری رضی الله عنہا سعادتخانه لری محلی الیوم غایت معمور اولوب اصل سرائ حضرت ادهانی او سعادتخانهک یقینده اولوق اوزره زیارتکاه انامدر . له الحمد والمنه مکة مکرمه ده بومقام مقدسی زیارت شرف عظمتنه مظهر اولمشدر .

الیوم غایت معمور ومزین واوستی قبه ایله مستور اولوب الحلة هذه مسجد شریفدر وبرعالی منارده سی ده واردر .

حین زیارتده دوشوند مکة بومقام ؛ نه عالی برجای مقدسدر . زیرا جناب عبدالله وجناب آمنهک زفافی بوراده شرف وقوع بولمشدی . جوهر جسم احمدی ؛ مشیمه سعادت وسیمه مادره بوراده رغیبه نمای عزوشرف اولمشدی . طقوز آی صکره ایسه حضرت آمنه دن ؛ او نور قلوب اهل ایمان بوراده شرف ظهوریله عالم دنیایی تنویر ایتشیدی .

سعدکارزونیک (المولداکیر للنبی البشیر) نام اثر معتبرلرندن نقلاً جواهر بواهرده محرر اولدینی اوزره اوشب مبارکده حضرت آمنهک نزد عصمتیناهاپلرنده عشره بشردن عبدالرحمن بن عوف حضرتلرینک والده لری شفا خاتون حضرتلری واردر . اوبانوی حرمسرای عصمت بیوررکه «سائر قادینلر کبی حمل صفتیسی چکمدم وهیچ بر آغزلق حس ایتدم او کیجه رؤیاده برینی کوردم یا آمنه

محقق بیلدیمسن که سن خیرالعلانی حامله سک طوغدینی وقت نام پاکنی (محمد) قویه سن دیدی . صکره مهیب برسس ایشتم کمال خوف ایله اوسسک کلدیکی طرفه باقدیم آندهمان بریاض قوش کلوب قنادیله بنی اوقشادی حکمة الله او آنده قورقوم زائل اولدی . اوکیجه مهر جهان افروز نبوت ، نور اجلال ایله قدومنی اظهار بیوردقده بندن برنور لمعان ایتدی یرده کوکده چشمه بونوردن بشقه برشی کورندمی حور جنانی ، ملائکه کرامی ودها نیجه خارق الاماده حالاتی کوردم .

مشارایها شفا خاتونک کوزینه وقت ولادت مقدسه محمدیه ده مشرقدن مغربه قدر بتون دنیا نور ایله طولمش اوله رق کورونمش ، ودها برچوق عجائبات مشهودی اولمش ، او ثمره شجره نبوت افندمز نهانخانه غییدن مشارایهاک الارینک اوزرینه لطافتله شرف ورود ایشدر . بوقصه جلیله شفای شریفده وشرحلرنده تفصیلاً مسطوردر .

جهانه محض رحمتدر ورودک یارسول الله
محقق فیض حقدر فیض جودک یارسول الله
ظهورک نورخورشید سپهر افرینشدر
خلاصه سر اقدمدر وجودک یارسول الله

بوکیجه فجر صادق طلوع ایدرکن کزیده بنی آدم دخی شرف بخش عالم دنیا اولمشلردی . وجود انور محمدی به آرامکاه اولان جای مبارکده کی طاش او وجود اقدسی اغوش احترامنده بولندیرمق ایچون پاموقدن بموشاق اولمشدی . نیکم شمائل شریفه پیغمبری صرهنده (اذا مشی علی الرمل لا یؤثر فیه واذا مشی علی الصخر لان تحت قدمیه) دینلمشدر که رسول اکرم افندمز حضرتلری قوم اوزرنده یوروسلر مبارک پای سعادتک ایزی بللی اولمز وطاش اوزرینه باعارلرسه رسم قدم سعادتلری ظاهر اولوردی طاش بموشاردی . [۱]

مسخر امریکه هپ جمله اشیا سکندر قول سنکدر حکم افندم بوطاشک وجود پاک محمدی به تماس ایتسی یوزندن بوی عطرنک احمدی طاشه تأثیر ایتش بیک اوچیوز سکسان برسنه در اورایحه طیبه طاشدن زائل اولمامشدر . طاشنده وجود نبونک یری الآن بالیدر . بونی تقیل ایتدیکم زمان رایحه طیبه دن حصه مند اولدیفمدن کونلرجه مدهوش اولدم بورای زیارتله شرفیاب اولان هر زائرک بوحال مشهودیدر .

ینه شمائل سنیه صرهنده کلیر : (اذا وضع یدیه علی رأس الیتیم تبقی رایحه کفه الشریف شهرآ وحقی یعلم من شدد رایحه ان هذا الطفل هو الذي وضع رسول الله صلی الله علیه وسلم کفه الشریف علی رأسه) یعنی نبی محترم افندمز حضرتلری سسوقاقده بریتیم

[۱] خرقة سعادت دائرة فاخره سننده و حضرت خالد رضی الله عنہک تربته شریفه سننده بولنان زیارت اولنه کلن ایکی قطعه رسم قدم پاک نبوی بی حاوی طاشلر بوسوزک شاهد حقیقیسیدر .

چو جوق کورر لسه باشنه مبارک الیه مسح بیورر لر دی . رایحه طیبه محمدی چو جفک اوستنده بر آی دوام ایدرک بین الصبیان بیلنیردی که رسول مجتبانک مبارک ید سعادتی اوچو جغه تماس ایتشدر . ایشته بو طاشده دخی بو خاصه محمدی ظهور ایلدیکی آثار یله ثابتدر . خاقانی مرحوم نه کوزل وصف ایدر :

هم دیدی وصف ایدن اولوردتری
مشکبو ایدی الی آیه لری
مرحبا ایسه بر کیمسه یه کر
دولت و عزتله پیغمبر
برایکی کون آره دن ایتسه مرور
بلکه هم بر نیجه ایام وشهور
طوییلوردی نیکم ورد چن
اول کشی رایحه طیبه دن
نافه مشک جهان ایدی اوجان
بوی مشک اولماز افندی پنهان

بوجای مقدس الیوم یک معمور و مزیندر . ولادت سانیه نک شرف واقع اولدینی بر بنانک اورتی یرنده در . اوزرینه آروجه آبانوزدن معمول هند کاری غایت مصنع بر قفس قونلشدر که ارتفاعی درت مترویه یقیندر قفسک قبه سی اوزرنده که یشیل جافسه صرمه ایله آیات کریمه یازلشدر .

حضرت آمنه یه حین ولادتده رفع سر ابرده حجاب واقع اولدیفندن مشهوردی اولان احوال دن بختله بیورر لر که :

انظار چشمده بر طاقم حقایقک تجلی ایلدیکنی کوردم ، لحکمه بر حرارت عظیمه یه دوچار اولدم . ملکدر در حال شربت و یردیلر ایچدم ؛ لذتی دنیا شربتلرینک فوقنده ایدی . ذرات وجودده بشقه بر حیات ظهور ایتدی . صکره عبد مناف قیزلرینه بکیزر قیزلر کوردم . کوزللیکده نظیری یوق ایدی یانمه کلیدیلر . انلره اتکا ایتدم مستغرق بهت وحیرت اولدم . ایپکدن معمول بیاض بر دیباج سمان یره طوغری اوزادلدی . طوغه جوق اولان نور معظمی چشم خلایقدن اوچ کون محافظه ایدیکز دیه برسس قولاغمه کلدی . غایت کوزل قوشلر صف صف ملکدر کوردم . اظهار تعظیلات ایدیورلردی .

اوچ ملک الارنده بر علم اوله رق ظاهر اولدی علمک برینی شرقه ، برینی غربیه ، برینی کعبه نک اوستنه دیکیدیلر . ایشته بو آن فیض نشانده ؛ او آفتاب آسمان رسالت محتوناً و مسروراً شرف طلوع ایلدی . بشقه جه اوچ ملک کوردم بونلر وجود نازنین سیدالبشری مرصع برلکسند ییقادیلر ایپکدن معمول قونداغه یاتیردیلر ایچلرندن بری او وجود مسعودی بر ساعت قدر ایدئی تعظیمده بولندیردی بوساعت ظرفنده ده بر جوق اسرار ظهور ایتدی بعده (یاحمدسکا بشارت اولسونکه مجموع اخلاق حسنه اصفیا و خزائن علوم لدنیه انبیا سکا احسان بیورلدی دیدیلر) هر اوچی بردن سر ابرده غیبده مستور اولدیلر .

شفاء شریف شرحنده « سلطان الانبیا اریکمه عزتسرای خاص الخاص خفادن ظاهر اولدقلری وقت چشم حقایق بیننی طرف سمایه آجوب قیامقده ایدیلر . و مبارک سر سعادتمندلرینی رفع بیورر لر ایدی . ایشته بو حال حضرت فخر عالمک عالم ملأ اعلا یه تعلق و اول امرده توجهنه اشارتدر » دیه بیان اولمشدر .

ملائیکه علین کمال سرور ایله کلوب نوزاد محترمی زیارته باشلادیلر . بو حال بر موجب اشارت معنویه اوچ کون دوام ایده جکدی . بو اتنا ده حضرت عبدالمطلب مسجد حرامده جناب حقه توجه و مناجات اوزره ایکن یک چوق غرائبات احواله مطلع اولمش و حتی « مژده یاعبدالمطلب شمدی آمنه دن بر چو جوق طوغدی وجودی عالمه رحمتدر » دیه هاتقندن بر سس ایشتمش و قراره بحالی قالیوب هان دولتیخانه حضرت آمنه یه کلشدر . حجره پاکیزه سینه کیرمک و اونوزاد محترمی کورمک آرزوسنی اظهار ایلینجه جناب آمنه اسباب مسروده دن طولانی اعتذارده بولندی . جناب عبدالمطلب یا آمنه ایچرویه کیرمکله کیمه مساعدده ایتز ایسه ک ترک جان ایدرم زیرابنده بر حال ظهور ایتدی که ایچرو کیروبده او مولود مفتخمی کورمرسم صبر ایده میه جکم مطلقا مساعدده ایت دیه اصرار شدیدده بولنجه حضرت آمنه مضطر قالدی . حضرت عبدالمطلب ایچرو کیردی . در حال جناب آمنه نک آلتنه نظر ایتدی . نور صفا بنحشانک زائل اولمش اولدیفنی کوردی . چونکه او نور صاحب حقیقینه انتقال ایتش بولنیوردی . حضرت آمنه مشاهدات واقعه سنی آکلاتدی . حضرت عبدالمطلب دخی کندی مشاهداتی خبر و یردی . صکره هانی او نجل نجیبی کوستر کوریم . آنک وجه تاباننه یوزمی کوزمی سوریم دیه اثر استعجال کوستردی . جناب آمنه بوظفل مکرمی اوچ کون مدته انساندن صافله هیچ کیمسه یه کوستر مه دیدیلر . بناء علیه معذورم جوانی و یردی . حضرت عبدالمطلب طیانهمدی چوق اصرار ایتدی . حضرت آمنه عاجز قالدی . و او محبوب رب العالمینک اولدیفنی یری کوستردی . ا کر قادر ایسه ک یاننه یاقلاشده کور دیدی ؛ عبدالمطلب در حال او طرفه متوجه اولنجه قارشوسنده بر رجل مهیب شکلی ظاهر اولیوردی . [یاعبدالمطلب جناب فخر عالمی ملائیکه علین زیارتدن فارغ اولدقجه انسانلردن بر فرد زیارته جسارت ایده جک اولسه ضرر کورر] دیدی . عبدالمطلب تتره که باشلادی مأیوساً دوندی . اوچ کون صبردن صکره او نور دیده عالمک نزد شریفه قوشدی . و وجه منیرینه باقرق حیران اولدی . پروانه سی آفتاب اولان او نور معظمک وجه شریف و دیده انورندن او پدی و آغوش احترامه آله رق طوغری کعبه یه کورتوردی . شکرانه موهبه رب العالمین اولق اوزره بالبداهه شو منظومه یی انشاد ایلدی که یک مشهوردر :

الحمد لله الذي اعطاني	هذا الغلام الطيب الاردان
قد ساد في المهدي على الغلمان	اعينه بالبيت والاركان
حتى يكون بلغة الفتیان	حتى اراه بالغ البيان
اعينه من كل ذي شان	من حاسد مضطرب العنان

خلاصه مالی :

خلقاً ونسباً ووصافاً من كل الوجوه ممتاز وهنوز مهد نازنینده
ایکن بیله زمانک سائر اطفاله نسبتله سرافراز اولان بوغنجه
نوشکفته نبوتی احسان بیوران حضرت الله حمد و ثنای ایدرم .
بیت مکرم و ارکان معظمه برکاتیلله هر خصوصی حفظ الهیده
اولسی ایچون اول واهب الاله النجا ایلرم .

بونجل نجیب محترمی اطفال سائرته فوقده وکمالاً مراتب
علویه مظهریتنه دلالت ایدر آیات بنات کوریورم . بناءً علیه
متلون الافکار اولان اهل حسودک حقد و حسدنن امین قلمسنى تمی
وازیسنده جناب حقک لطفنه صیغیریم .

حضرت عبدالمطلب بعده مخلوقات الهیهنک الک خیرلیسی اولان
اونوزاد مفخمی کمال تعظیم ایله کتیروب والده مکرمه سنه تسلیم ایتدی .
صوک درجه ده اعتنای مخصوص ایله باقسنى شدیداً توصیه و اخطار
ایلدی . قربانلر کسدى بر موجب الهام ربانى اسم شریفنى (محمد)
تسمیه ایتدی . صلى الله تعالى علیه وسلم .

مشاهددر رخ اشاده نورك يارسول الله
هوا نور موفور السرورک يا رسول الله
مظاهر مظهر لولاك وارسالنا کدر الحق
ظهور کدن ظهور ایتدی ظهورک يارسول الله

حسین و صاف



مصاحبه

— ینه شاعر لنیورسین .. نه دیدک ؟ ملت می ؟
سکا آ کلاتسهم اکر شیمدی دوشوندکاریمی ،
ابدیاً بوخیالاته ایدرسین ده وداع ،
قالقار آرائق آره مزدن بوتون اسباب نزاع .
خسته جانلاندی ، او ایش بیتدی ، دیورسین .. هیات ،
اوله ماز بویله سفیل امت ایچون حق حیات !
طوبولان نغمه حریت اونک صوک نفسی ...
یاشاماز یوقسه امین اول که بوباربار چته سی
مدنی آوروپانک دامن عرفانده .
آسیانک بلکه او قوملق عربستانده ،
لاشه حالنده کی بر دولته مدفن بولونور ...
— وارسه دنیاده سیاست اوده حقا که بودر !
غلادیستون متوفی بیله ایلر تحسین !
سن اونک یوقسه بکم نسخه ثانیه میسین ؟
چونکه قلبنده بوتون نطق حکیمانه کزک .
روح یزازی تپنمکده او قارت انکلیزک !

— کیم نه ایسترسه دیسین .. بن په سیمیستم موشر !
— اوبتیمیسست اول دیمدک بزده یا .. لکن بن اکر
شیمدی قالقارده نیچون ملتک آتیسندن
بوسبوتون قطع امیدایتلی دیرسهم .. بنی سن
هانکی معقول دایلیکله ایدرسین اقناع ؟
سزه ظنم دوشیور شیمدی « خیالاته وداع ! »
خبرک وارسه اکر مملکتک حالندن ،
نا امید اولمایه جقسین اونک اقبالندن :
نه یورکدر قاباران سیننه ملتیده !

اونی برکره ایشیت ، صوکره کلوب اولمش ، ده .
اوگدن اولادینی عسکر یاییور ، کوندریور ؟
آرقه دن تارلا ، اوکوز باقایه رق هپ ویریور .
کمی آلسین بزه ملت ، دییه ... یا هو اوتانک ،
جود معصومنی کوردکجه بووا کسوز وطنک !
په سیمیزمک یره بانسین ! اوکا حقک وادی ؟
صانکه ییلارجه چالیشمش ده بوبیکس قومی
آدام ایتک ایچون ، آمالی بوتون محو اولمش ..
بونه جعلی هیجانلر ! بونه پهوده خروش !
طوغرو یول ایشته بودر ، کل ! دییه سن بر یوروده
او زمان باق نه قوشانلر کوره جکسین سوروده !
ملتک یوق دییوب انسانلغه استعدادی ،
براقک سزده بوتون سعی ، بوتون ارشادی ،
طاغیلوب هر کسک افکارینه بیکارجه سموم
طوغمه دن روح امل اولمه یه اولسون محکوم !
ایکی شیدر ویره جک ملکه حیات جاوید ،
اوده هیچ کوشه مین عزم ایله هیچ بیتمز امید .
یأس اجلدن دها صالغین ، اوکا یاقلاشایه برق ،
یاشامق ایسته یلم ، هم ابدیاً یاشامق .

محمد ماکف



انسانیت نهی استلزام ایدرسه اسلامیت اونی

امر و توصیه ایدر

اگر انسانیت حیات شخصیه واجتماعیه ده سعی و عملک وجوبی
اقتضا ایدیورسه اسلامیت « لیس للانسان الاماسی » دیه لسان عجز
بشرك و ارامایه جفنی بویوریورکه سعی و عمل ، ثروت مال علمنک
اک مهم قسمنی تشکیل ایدر .

اگر انسانیت اول بأول هر درلوترقی و تعالینک مبنی علیه اولان
علم و معرفتک تحصیانی ایجاب ایدیورسه « وما خلقت الجن والانس
الا ليعبدون » آیت جلیله سی طریق مستقیمدن عبارت اولان عبادتی